

RHEOLAU CYFFREDINOL Y DYSGWYR

1. Cynradd: Dysgwyr yw aelodau nad ydynt wedi/yn dilyn rhaglen astudio Cymraeg yng nghyfnodau allweddol 1 a 2, ond, os ydynt yn hwyrddyfodiaid di-Gymraeg mewn ysgol lle mae mwyafrif y disgyblion yn astudio trwy gyfrwng y Gymraeg caniateir iddynt gystadlu fel dysgwyr am eu tair blynedd cyntaf yn yr ysgol.

Uwchradd: Dysgwyr yw'r aelodau hynny nad ydynt wedi/yn dilyn rhaglen astudio Cymraeg yn nghyfnod allweddol 1, 2 na 3. Caniateir hwyrddyfodiaid di-Gymraeg i gystadlu fel dysgwyr.

Byddem yn gobeithio na fydd aelodau lle mae un rhiant yn y cartref yn gallu'r Gymraeg yn cystadlu fel dysgwyr.

Caniateir aelodau oed **cynradd** sy'n symud i'r sector addysg cyfrwng Saesneg ar ôl cyfnod yn y sector cyfrwng Cymraeg i gystadlu fel dysgwr mewn cystadlaethau **torfol** i ddysgwyr yn unig.

2. Wrth gofrestru cystadleuwyr mae'r arweinydd yn gwarantu dilysrwydd pob cystadleuydd yng nghystadlaethau Adran y Dysgwyr.

3. Rhaid i gystadleuwyr dderbyn yr argraffiad a'r cyweirnod a nodir yn y rhaglen hon. Ni chaniateir defnyddio argraffiad gwahanol na newid cyweirnod mewn unrhyw gystadleuaeth oni nodir yn wahanol.

4. Rhaid i unigolyn, partïon, grŵp a chorau ddysgu'r darnau cyflawn neu'r nifer o benillion a nodir yn y Rhestr Testunau.

5. Pan fydd cwmni, grŵp neu barti yn defnyddio cerddoriaeth a recordiwyd ymlaen llaw neu'n chwarae'n fyw unrhyw gerddoriaeth a gyhoeddwyd yn fasnachol, cyfrifoldeb y cyfryw gwmni, grŵp neu barti yw sicrhau'r hawlfraint.

6. Mae'r rheolau cystadlu sydd wedi eu nodi yng nghystadlaethau'r Adrannau Cerdd Dant, Llefaru, Drama a Llenyddiaeth i'r Cymry Cymraeg yn berthnasol hefyd i gystadlaethau'r Dysgwyr.